



KOLEGJI - COLLEGE  
**BIZNESI**  
Prishtinë

Kolegji "BIZNESI"



Komuna e Mamushës

## Memorandum bashkëpunimi

në mes të

KOLEGJI "BIZNESI"


Nr. 436/20 Data: 27.11.20

PRIZREN

Kolegji "BIZNESI" Prishtinë

dhe

Komunës së Mamushës



Me qëllim të ngritjes së nivelit të bashkëpunimit në mes të Kolegjit BIZNESI Prishtinë, dhe Komunës së Mamushës, me pikësynim përkrahjen e ngritjes së nivelit edukativ dhe profesional të rinjeve Kosovare, si dhe krijimin e një ambienti më të volitshëm ekonomik dhe për të konkurruar në projekte të ndryshme të përbashkëta të përkrahura nga AER-i, USAID-i, Banka Botërore, Institucione të tjera kombëtare dhe ndërkombëtare, Institucione dhe shoqata profitabile dhe joprofitabile, Kolegji BIZNESI Prishtinë dhe Komuna e Mamushës, lidhin këtë memorandum të mirëkuptimit dhe pajtohen të zhvillojnë bashkëpunim në këtë lëmi.

### I. Natyra e bashkëpunimit

#### Qëllimi

1. Kolegji BIZNESI Prishtinë (në tekstin e mëtejshëm BIZNESI) dhe Komuna e Mamushës (në tekstin e mëtejshëm KOMUNA), pajtohen që për interesa të përbashkëta të asistojnë, promovojnë, përkrahin dhe të ngritin nivelin e bashkëpunimit reciprok, në funksion të zhvillimit të përgjithshëm edukativ, social dhe ekonomik.
2. Kolegji BIZNESI Prishtinë dhe Komuna e Mamushës së bashku do të kontribuojnë në drejtim të zhvillimit, përkrahjes dhe promovimit të sektorit edukativ dhe profesional, ofrimit të shërbimeve për këtë subjekt edukativ, gjenerimin e punësimit dhe zvogëlimin e papunësisë. Në këtë aspekt Kolegji BIZNESI do t'iu ofrojë ndihmë anëtarëve të Komunës së Mamushës me shërbimet e veta.
3. Kolegji BIZNESI dhe Komuna e Mamushës pajtohen që në përgatitjen e propozimeve dhe realizimin e projekteve të përbashkëta, që kanë të bëjnë me përmirësimin e ambientit ekonomik dhe social në Kosovë, hartimin e analizave makronomike, në mënyrë të rregullt të paraqesin ofertën e përbashkët dhe të këmbëjnë informatat e domosdoshme për implementimin e projekteve.



KOLEGJI - COLLEGE  
**BIZNESI**  
Prishtinë

Kolegji "BIZNESI"



Komuna e Mamushës

4. Kolegji BIZNESI dhe Komuna e Mamushës si partner të përbashkët mund të hyjnë veç e veç në raporte kontraktuese me partner të tjerë dhe mund të mbështesin anëtarët dhe klientët e partnerëve si dhe projektet e tyre me qëllim të krijimit të një partneriteti të frytshëm dhe kooperues në mes tyre.

## **II. Emërtimi i shërbimeve**

1. Kolegji BIZNESI dhe Komuna e Mamushës pajtohen që për nevojat e tyre të shkëmbejnë ekspertët dhe përvojat e tyre në fushat e caktuara ekonomike si dhe që studentët e lëmive ekonomike, juridike dhe emergjencave, pranë këtij Kolegji të kryejnë praktikën në Komuna e Mamushës. Gjithashtu Komuna e Mamushës do të mundësojë – angazhojë praktikën e studentëve në komunë dhe në bizneset e kësaj komune.
2. Kolegji BIZNESI dhe Komuna e Mamushës së bashku do të kontribuojnë në drejtim të krijimit të partneritetit dhe integritit evropian të komunitetit kosovar në raportet ndërkombëtare.

## **III. Detyrat dhe përgjegjësitë**

1. Ky memorandum i mirëkuptimit hyn në fuqi ditën e nënshkrimit të tij dhe do të ketë afat të pakufizuar, përderisa njëra palë me shkrim nuk e njofton palën tjetër 6 (gjashtë) muaj më parë, për ndryshimet eventuale.
2. Ky Memorandum i Mirëkuptimit nënshkruhet në gjuhën shqipe dhe për secilën palë përgatitet nga një kopje origjinale.
3. Për çdo vit akademik, Komuna e Mamushës do të përcaktojë numrin e studentëve që do të aftësohen nëpërmjet punës praktike.
4. Kolegji BIZNESI do t'i dorëzojë për çdo vit akademik partnerit listën me emrat e studentëve të përzgjedhur dhe të paraparë për aftësimin praktik në Komuna e Mamushës Praktika e studentëve të Kolegjit BIZNESI në Komuna e Mamushës, do të zgjasë prej dy javë deri në një muaj. Kohëzgjatjen e praktikës, partnerët e caktojnë me marrëveshje gojore dhe nga rasti në rast.





KOLEGJI - COLLEGE  
**BIZNESI**  
Prishtinë

Kolegji "BIZNESI"



Komuna e Mamushës

#### **IV. Komunikimi/Avokimi dhe Marketingu Strategjik**

1. Kolegji BIZNESI dhe Komuna e Mamushës do të punojnë bashkërisht për promovimin e nismave të përbashkëta, për thellimin e marrëdhënieve me publikun, për krijimin e mundësive për paraqitjet e përbashkëta në publik dhe për promovimin e ndërsjellë të iniciativave.
2. Të dy entitetet juridike, Kolegji BIZNESI dhe Komuna e Mamushës, obligohen që në paraqitjet e tyre publike, sa here që diskutojnë iniciativat e përbashkëta, si këto të kryerjes së praktikës të studentëve, të aftësimit dhe punësimit të tyre, do t'i referohen punës së përbashkët dhe partnerit, pavarësisht nëse është apo nuk është i pranishëm ai.
3. Kolegji BIZNESI dhe Komuna e Mamushës obligohen që me rastin e fillimit por edhe të përfundimit të nismave, si punësimit dhe aftësimit nëpërmjet punës praktike të studentëve, të zhvillojnë materialet e përbashkëta promovuese, siç janë komunikatat për shtyp, konferencat, e të ngjashme. Komunikatat e përbashkëta do të përmbajnë logot e të dyjave palëve nënshkruese të marrëveshjes, të Kolegji BIZNESI dhe Komuna e Mamushës. Përmbajtjet e publikimeve promovuese do të publikohen në web faqet e të dy entiteve.

Kolegji BIZNESI  
  
Prof. Dr. Shyqen Kabashi,  
Dekan



Komuna e Mamushës  
  
Abdulhadi Krasniç,  
Kryetar i Komuna e Mamushës

